

## **ACTA DA SESIÓN EXTRAORDINARIA DO PLENO DO DÍA 03.02.2020**

Na Casa Consistorial de Sobrado, sendo as 13:35 horas do día de referencia, previamente convocados, reuníronse, en primeira convocatoria, os Sres. Concelleiros que compoñen a Corporación Municipal deste Concello, ao obxecto de celebrar sesión extraordinaria do pleno baixo a presidencia do Alcalde, e coa asistencia dos Sres. Concelleiros cuxos nomes á marxe se relacionan :

### **ASISTENTES:**

#### Presidente:

Luís Lisardo Santos Ares (PSdeG-PSOE)

#### Concelleiros/as:

Magín Freire Fidalgo (PSdeG-PSOE).

Juan Vicente Aller Penas (PSdeG-PSOE).

José Antonio Veiga Sánchez. (PSdeG-PSOE).

Alfonso Ríos Santos. (PSdeG-PSOE).

Ángel Manuel Vázquez Bugallo (PSdeG-PSOE)

Miguel Combo Aller (PSdeG-PSOE)

María Jesús García Souto (PP).

### **AUSENTES:**

#### Concelleiros/as:

Ángel López Fidalgo (PP).

#### Secretaria:

Elena González López

## **ORDE DO DÍA**

### **PRIMEIRO.- APROBACIÓN DA MODIFICACIÓN DO PROXECTO DE OBRAS**

O alcalde expón a súa proposta que ten o seguinte contido:

*"Asunto: Aprobación modificación do proxecto POS ADICIONAL 1\_2018. ASFALTADO DE VIAIS NAS PARROQUIAS DE GRIXALBA E POUSADA.*

---

*O 01.12.2017 aprobouse o proxecto para a realización da obra "Asfaltado de viales en las parroquias de Grixalba y Pousada" incluído no POS ADICIONAL 1/2018, por importe de 80.268,38 € IVE incluído, sendo o orzamento base de 66.337,50 € e o IVE de 13.930,88 €.*

*O 29.11.2019 a Deputación Provincial concedeu prórroga para a licitación deste proxecto*

*O 21.01.2020 redactouse a modificación do proxecto. O motivo da dita modificación foi que observando discrepancias nas unidades de obra coa realidade física, fai necesaria a redacción dun proxecto modificado.*

O 29.01.2020 a arquitecta técnica municipal emitiu informe en relación coa dita modificación.

O 29.01.2020 a secretaria-interventora emitiu informe sobre o contido do proxecto.

Ao abeiro do disposto nas bases da dita convocatoria, as atribucións que me confire a Lei 7/1985, do 2 de abril, reguladora das Bases do réxime local, PROPOÑO a adopción do seguinte acordo:

- 1.- Aprobado o proxecto modificado da obra "Asfaltado de viales en las parroquias de Grixalba y Pousada" incluído no POS ADICIONAL 1/2018, por importe de 80.268,38 € IVE incluído, sendo o orzamento base de 66.337,50 € e o IVE de 13.930,88 €.
- 2.- Declarar que o concello ten a dispoñibilidade dos terreos, augas e servidumes para a execución dos investimentos, e que ten resolto todo o relacionado coas concesións e autorizacións administrativas que legalmente sexan necesarias.
- 3.- Comprometerse o concello a incluír no orzamento municipal do 2020 os fondos necesarios para facer fronte á achega municipal dos investimentos incluídos na anualidade do 2020, se a houbera.
- 4.- Solicitar da Deputación Provincial da Coruña a delegación neste concello da contratación e execución das obras ou subministracións incluídas no Plan, que se entenderá aceptada si esta se produce efectivamente.
- 5.- Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.
- 6.- Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.
- 7.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente."

O Alcalde intervéñ para explicar que esta obra se fixo por emerxencia dado que non se podía pasar debido ao mal estado da calzada nin os vehículos nin os tractores.

A continuación cede a a palabra a voceira/o do PP que pregunta onde esta a obra, o que lle contesta que está en Sar, así mesmo, pregunta por que se quita nas Regas, e o Alcalde resposta que nas Regas non se fixo porque xa foi por emerxencia,

Finalmente critica que non se valore economicamente o proxecto.

Rematado o debate sométese a votación a proposta da Alcaldía, co seguinte resultado:

Votos a favor (7): Luis Lisardo Santos Ares (PSdeG-PSOE), Magín Freire Fidalgo (PSdeG-PSOE), Juan Vicente Aller Penas (PSdeG-PSOE), José Antonio Veiga Sánchez.

(PSdeG-PSOE), Alfonso Ríos Santos. (PSdeG-PSOE), Ángel Manuel Vázquez Bugallo (PSdeG-PSOE) e Miguel Combo Aller (PSdeG-PSOE)

Abstencións (1): María Jesús García Souto (PP)

Como resultado da votación a proposta da alcaldía queda aprobada.

## **SEGUNDO.- PACTO DOS ALCALDE PARA O CLIMA E A ENERXÍA**

O Alcalde expón a súa proposta que ten o seguinte contido:

*“Proposta de acordo*

*Adhesión a iniciativa europea de Pacto dos alcaldes para o clima e a enerxía*

*A Comisión Europea puxo en marcha en 2008 o Pacto dos Alcaldes (Covenant of Mayors), unha iniciativa aberta a todas as cidades e municipios en Europa co obxectivo de involucrar ás autoridades locais e aos cidadáns no desenvolvemento e a aplicación da política enerxética da Unión Europea. O Pacto consiste no compromiso das cidades asinantes de ir máis alá dos obxectivos adoptados para o ano 2020 pola UE para reducir as emisións de CO2 a través de medidas de eficiencia enerxética, de accións relacionadas coa promoción das enerxías renovables e da mobilidade urbana sostible. A adhesión a esta iniciativa, supoñía acoñecerse ao denominado obxectivo 20/20/20, cuxa meta era aumentar a eficiencia enerxética un 20%, aumentar o uso de enerxía procedente de fontes renovables outro 20% e reducir as emisións de gases de efecto invernadoiro (GEI) un 20% para o ano 2020.*

*A partir do éxito do Pacto dos Alcaldes, en 2014 lanzouse a iniciativa Mayors´ Adapt, baseada no mesmo modelo de xestión pública, mediante a que se invitaba ás cidades a asumir compromisos políticos e tomar medidas para anticiparse aos efectos inevitables do cambio climático.*

*O 15 de outubro de 2015, a Comisión Europea lanzou o Pacto dos Alcaldes para o Clima e a Enerxía (Covenant of Mayors for Climate & Energy), fusionando as iniciativas anteriores. Esta nova ferramenta pretende reunir aos alcaldes das cidades europeas nunha rede permanente de intercambio de información para a aplicación de boas prácticas: mellorar a eficiencia enerxética no ámbito urbano, conseguir unha redución das emisións de CO2 no ámbito territorial local e aumentar a resiliencia fronte ao cambio climático.*

*Para alcanzar estes obxectivos, os municipios adheridos ao Pacto comprométese a redactar un Plan de Acción para a Enerxía Sostible e o Clima (PACES), nun prazo máximo de dous anos dende a data de adhesión. O PACES inclúe:*

- 1) un inventario de referencia de emisións (IRE) para facer o seguimento da súa efectividade das accións de mitigación;*
- 2) unha avaliación de riscos e vulnerabilidades ante o cambio climático;*

*Ademais, cada dous anos deberase presentar un informe de seguimento do PA-CES.*

*O Pacto dos Alcaldes para o Clima e a Enerxía consiste no compromiso dos concellos signatarios de facer propios os obxectivos da Unión Europea para o ano 2030*

*e reducir as emisións de CO2 no seu territorio en, polo menos, o 40% a tra-vés de medidas de eficiencia enerxética e dun maior uso de fontes de enerxía re-novable, traballando á súa vez na implantación de medidas de adaptación ao cambio climático e aumento da resiliencia fronte a este, así como un aumento da cooperación coas autoridades locais e rexionais similares na UE e fóra dela para mellorar o acceso á enerxía segura, sostible e alcanzable.*

*Sectores como os municipais, residenciais e terciarios e o transporte considéranse sectores clave para a mitigación. As autoridades locais deberán concentrar os seus esforzos en reducir a demanda de enerxía nos seus territorios e adaptar a demanda enerxética á oferta promovendo a utilización de recursos enerxéticos locais.*

*A Xunta de Galicia, consciente de que o Pacto dos Alcaldes polo Clima e a Enerxía e o mellor instrumento para implicar aos concellos de Galicia na loita contra o cambio climático, decidiu participar nesta iniciativa como coordinador do pacto na Comunidade Autónoma de Galicia, co obxectivo de promover e apoiar aos concellos de Galicia na súa adhesión ao pacto e conseguir que no ano 2020 haxa, a lo menos, 100 concellos galegos adheridos ao Pacto, e estean todos os concellos de mais de 20.000 habitantes.*

*Coñecedor da importancia das accións locais na mitigación do cambio climático como Alcalde/Alcaldesa do Concello de Sobrado recoñezo que o noso compromiso esixe:*

1. *Un liderado político forte:*
  - *Definir obxectos ambiciosos a longo prazo, máis alá dos mandatos políticos.*
  - *Unha interacción coordinada entre a mitigación e a adaptación a través da mobilización de todas as áreas municipais implicadas;*
2. *Un enfoque territorial integral e intersectorial.*
3. *A asignación dos recursos humanos, técnicos e financeiros axeitados:*
  - *O compromiso de todas as partes implicadas nos nosos territorios.*
  - *O empoderamento dos cidadáns como consumidores proactivos "prosumers" e participantes nun sistema enerxético responsable e sensible á demanda.*
4. *Accións inmediatas, medidas flexibles e efectivas para agora e para o futuro, "non regresivas".*
5. *A implantación de solucións intelixentes para facer fronte aos retos sociais e técnicos da transición enerxética.*
6. *Revisar periodicamente ns nosas accións conforme aos controis e as avaliacións dos resultados.*

*Por todo iso, este Concello quere sumarse ao PACTO DOS ALCALDES PARA O CLIMA E A ENERXÍA e apoiar esta iniciativa, necesaria para conseguir a sustentabilidade enerxética e a adaptación ao cambio climático do noso Concello. E pa-  
ra que*

conste, eu D/Dna *Luis Lisardo Santos Ares* alcalde/sa desta Corporación, comprométome a:

1. *Reducir as emisións de CO2 no noso territorio en ao menos un 40 por cento ata 2030 mediante o aumento da eficiencia enerxética e un maior uso de fontes de enerxía renovables.*
2. *Traballar na promoción de medidas para a adaptación ao cambio climático mediante a creación de plans de acción en favor da enerxía sustentable e o aumento da resiliencia fronte ao cambio climático.*
3. *Elaborar un Inventario de Emisións de Referencia e unha avaliación de riscos e vulnerabilidades derivados do Cambio Climático, como base para o Plan de Acción para o Clima e a Enerxía Sustentable (PACES) no que se resuman as accións clave que planean levar a cabo.*
4. *Presentar o Plan de Acción para o Clima e a Enerxía Sustentable no prazo de 2 anos a partir da sinatura oficial do Pacto dos Alcaldes para a supervisión e verificación do proceso.*
5. *Desenvolvido o Plan de Acción, elaborar un informe bianual para a avaliación, control e verificación dos obxectivos, informando dos fitos acadados en cumprimento do Plan.*
6. *Compartir a nosa visión, resultados, experiencia e coñecemento con outras autoridades locais e rexionais da Unión Europea.*
7. *Adaptar as estruturas do Concello incluíndo a asignación de suficientes recursos humanos para o desenvolvemento das accións necesarias.*
8. *Mobilizar á sociedade civil no noso ámbito para que participe no desenvolvemento do Plan de Acción.*
9. *Comunicar os presentes acordos á Dirección Xeral de Calidade Ambiental e Cambio Climático da Consellería de Medio Ambiente e Ordenación do Territorio para facer posible as tarefas de apoio e coordinación.*

*O Concello de Sobrado, reunido en sesión ordinaria o día 03 de febreiro de 2020, aproba a adopción dos seguintes acordos:*

- *A adhesión do Concello de Sobrado ao Pacto dos Alcaldes para o Clima e a Enerxía, promovido pola Unión Europea.*
- *Facultar ao Alcalde/sa de Sobrado a representar ao Concello na sinatura do Pacto de Alcaldes e en calquera outras actuacións que requira a súa execución."*

Toma a palabra o Sr. Alcalde para explicar que se trata duha proposta da xunta que inicamente está prevista para concellos de máis de 20.000 habitantes pero vámonos adherir aunque no sexamos un concello de máis de 20.000 habitantes o único inconveniente é que temos que facer informes por eficiencia enerxética e contaminación en cascos urbanos e logo estar ao día en 2 anos e como fan fincapé en aprobalo todos os concellos por eso se somete a arobación plenaria.

O Alcalde cede a palabra a voceira/o do PP que pregunta qué ventaxas ten, ao que o Alcalde resposta que se pretende que os concellos cumpran os parametros da unión europea de cara ao ano 2030, con todo en concellos de máis tamaño ten máis sentido.

Rematado o debate sométese a votación a proposta da Alcaldía, co seguinte resultado:

Votos a favor (8): Luis Lisardo Santos Ares (PSdeG-PSOE), Magín Freire Fidalgo (PSdeG-PSOE), Juan Vicente Aller Penas (PSdeG-PSOE), José Antonio Veiga Sánchez. (PSdeG-PSOE), Alfonso Ríos Santos. (PSdeG-PSOE), Ángel Manuel Vázquez Bugallo (PSdeG-PSOE), Miguel Combo Aller (PSdeG-PSOE) e María Jesús García Souto (PP)

Como resultado da votación a proposta da alcaldía queda aprobada por unanimidade.

Finalizado o debate, non hai máis intervencións e finaliza o estudio do punto da orde do día.

E non habendo máis asuntos que tratar, sendo as 13 horas e 41 minutos, o Alcalde levanta a sesión, do que eu, como secretaria, dou Fe.

*DOCUMENTO ASINADO ELECTRÓNICAMENTE*